



Datos Do Expediente:

XUNTA DE GOBERNO LOCAL	
Unidade Tramitadora:	
Organos de Goberno e Central -	
Número expediente:	Documento:
AYT/XGL/11/2022	GOB16I05N
09S96F4G5C2D1R5818Q4	

ACORDOS DA XUNTA DE GOBERNO LOCAL, DE DATA VINTECATRO DE MARZO DE DOUS MIL VINTEDOUS

<p>SRES/AS ASISTENTES:</p> <p><u>SRA ALCALDESA-PRESIDENTA:</u> MARIÁN FERREIRO DÍAZ</p> <p><u>SRES/AS CONCELEIROS/AS:</u> D/D^a GUILLERMO SANCHEZ FOJO D/D^a MANUEL ANTONIO RAMOS RODRIGUEZ D/D^a ROMAN ROMERO FRANCO D/D^a MARIA DE LA MERCED TAIBO REY D/D^a M.DEL MAR GOMEZ CASAL D/D^a JOSE OREONA BRA D/D^a JOSE DAVID PITA BREIJO</p> <p><u>SRA. INTERVENTORA XERAL:</u> D/D^a MARIA DEL PILAR CANZOBRE MÉNDEZ</p>	<p>Na casa do Concello de Narón, ás 11:00 do vintecatiro de marzo de dous mil vintedous, baixo a presidencia da Sra. A ALCALDESA-PRESIDENTA, MARIÁN FERREIRO DÍAZ, reúnese a Xunta de Goberno Local en sesión ordinaria. Asisten os/as corporativos/as que se sinalan á marxe.</p> <p>Actúa de secretario ALFONSO DE PRADO FERNÁNDEZ-CANTELI, O SECRETARIO XERAL.</p> <p>Aberta a sesión de orde da presidencia adoptáronse os acordos seguintes:</p>
--	---

<u>SR. SECRETARIO XERAL:</u> D/Dª ALFONSO DE PRADO FERNÁNDEZ-CANTELI	
---	--

1º.- APROBACIÓN, SE PROCEDE, DA ACTA DA SESIÓN ANTERIOR

Dada conta da acta da sesión anterior, a Xunta de Goberno Local deulle a súa aprobación.

2 .- PROPOSTA DE APROBACIÓN DUNHA LICENZA DE PRIMEIRA OCUPACIÓN DUNHA VIVENDA UNIFAMILIAR NO LG.DA FRAGA S/N-SAN XIAO.-

(...)

PRIMEIRO: Outorgar a Vanesa Paredes López (*****), licenza de primeira ocupación dunha vivenda unifamiliar sita no Lugar da Fraga s/n – San Xiao (Ref. catastral 7898602NJ6179N), con suxección as seguintes condicións:

- a) Axustarase en todo ás condicións especificadas na licenza de obras outorgada por resolución do Concelleiro-delegado de urbanismo do día 07.05.2018 (exp. 121/2017).
- b) Ademais, axustarase aos proxectos, ao certificado final de obra visado polo COAG o día 14.04.2021, así como á adenda visada o 15.03.2022 e demais documentación presentada aos efectos.

SEGUNDO: Proponer aos servizos económicos a aprobación dunha taxa de licenza de primeira ocupación por un importe total de **36,82 euros**.

TERCEIRO: Dar conta desta resolución aos servizos económicos municipais e notificala á interesada.

VOTACIÓN E ACORDO.- A Xunta de Goberno Local, por unanimidade e en votación ordinaria, aprobou a proposta transcrita.

3 .- PROPOSTA DE APROBACIÓN DE BONO BUS UNIVERSITARIO-AXUDAS TRANSPORTE UNIVERSITARIO DO PERÍODO XANEIRO-XUÑO 2021.- Vista a proposta formulada que di así: Visto o informe-proposta cuxa literalidade se transcribe a continuación:
“INFORME – PROPOSTA DA XEFA DO SERVIZO SOCIOCOMUNITARIO PARA A CONCELLEIRA DELEGADA DE COOPERACIÓN NO ENSINO E BIBLIOTECAS

ASUNTO: Liquidación coa Universidade de A Coruña en materia de axudas para transporte universitario do período **xaneiro-xuño 2021**. Curso académico 2020-2021.

ANTECEDENTES:



O convenio de colaboración asinado o 09/11/2018 entre a Universidade de A Coruña e o Concello de Narón, para o transporte de veciños/as de Narón aos Centros da Universidade da Coruña, no Campus de A Coruña, en vigor para o curso 2020-2021, establece na cláusula 8ª que se fará unha segunda liquidación polo período xaneiro-xuño 2021 do Curso Académico obxecto do convenio.

En data 06/04/2021, o Concello de Narón e a Universidade da Coruña asinan unha addenda onde se modifica o sistema de xustificación correspondente ao período xaneiro-xuño 2021, por producirse un cambio na adxudicación da empresa de transporte universitario.

Por Resolución de Alcaldía de data 07/05/2021 (doc. ENS15I03O) apróbase o novo sistema de xustificación onde se indican os prazos e a documentación a presentar por parte do alumnado bonificado, publicado no B.O.P. da Coruña nº 88, de data 12/05/2021.

De acordo co anterior, procede a liquidación coa Universidade da Coruña, dos importes xustificadas polo alumnado beneficiario das axudas, correspondentes ao período xaneiro-xuño 2021, do Curso Académico 2020-2021.

Atendendo á Cláusula primeira, aptdo. 7.2 da Addenda asinada entre o Concello de Narón e a Universidade da Coruña, ésta aportará o 30% do custe total do billete ou bono de transporte ao campus universitario, o Concello de Narón aportará o 20% e o alumnado aportará o 50% dos importes totais dos bonos ou billetes.

FUNDAMENTOS XURÍDICOS :

- Lei 7/1985, do 2 de abril, reguladora das bases do réxime local (LRBRL).
- Real decreto legislativo 781/1986, do 18 de abril, polo que se aproba o texto refundido das disposicións legais vixentes en materia de réxime local (TRRL).
- Lei 39/2015, de 1 de outubro, do Procedemento Administrativo Común nas Administracións Públicas.
- Lei 40/2015, de 1 de outubro, do Réxime Xurídico do Sector Público.
- Real Decreto 430/2020, de 12 de xullo, polo que se establecen os umbrais de renda e patrimonio familiar e as contías das becas e axudas ao estudio para o curso 2020-2021.
- Lei 38/2003, de 17 de novembro, xeral de subvencións(LXS).
- Real Decreto 887/2006, do 21 de xullo, polo que se aproba o regulamento da Lei 38/2003, xeral de subvencións(RDXS).
- Lei 9/2007, do 13 de xuño, de subvencións de Galicia.
- Ordenanza xeral municipal de subvencións do Concello de Narón.
- Real Decreto Legislativo 2/2004, do 5 de marzo, polo que se aproba o Texto Refundido da Lei das Facendas Locais.
- Bases municipais reguladoras da convocatoria.
- Informe xurídico da Xefa do servizo de Organización e RR.HH. de data 27/08/2020. (PER14I1SI).
- Convenio de colaboración entre a Universidade de A Coruña e o Concello de Narón.
- Bases de execución do orzamento en vigor.

Finalizados os períodos xustificativos por parte do alumnado e, visto que en data 11 de febreiro de 2022 foi realizado por este Concello o pago do 50% facturas xustificativas presentadas polo alumnado beneficiario, polo período xaneiro-xuño 2021, de conformidade coa **cláusula 8ª** do convenio de colaboración asinado entre o Concello de Narón e a Universidade de A Coruña, esta Xefatura do Servizo Sociocomunitario propón á Concelleira Delegada de Cooperación no Ensino e Bibliotecas (segundo Resolución da Alcaldía de 25/06/2019), eleve **PROPOSTA** á Xunta de Goberno Local, para a adopción dos seguintes acordos:

1º.- Aprobar a liquidación á Universidade de A Coruña da porcentaxe correspondente ás facturas xustificativas presentadas polo alumnado, correspondente ao período **xaneiro-xuño 2021** do Curso Académico 2020-2021, segundo os importes que se indican na proposta.

(...)

CUSTE TOTAL DO SERVIZO (100%)	IMPORTE DO 50% DO ALUMNADO BECADO	IMPORTE DO 20% DO CONCELLO DE NARÓN	IMPORTE DO 30% DA UNIVERSIDADE DA CORUÑA
826,50€	413,25€	165,30€	247,95€

A cantidade total xustificada polo alumnado é de **826,50€** da que lle corresponde aboar á Universidade de A Coruña **247,95 (30%** do prezo total das viaxes), cantidade esta que foi aboada anticipadamente polo Concello de Narón, e que a Universidade de A Coruña debe aboar ao Concello. A restante cantidade do custe do billete, o 50% (**413,25€**) foi aboada polos/as alumnos/as á empresa de transporte no momento da retirada dos bonos, correspondendo ao Concello de Narón o 20% restante, por importe de **165,30€**.

2.- A Universidade da Coruña deberá realizar o ingreso desta liquidación, **247,95€**, nas arcas municipais no prazo de tres meses, contados a partir da notificación do acordo de aprobación da liquidación, tal e como se recolle na propia cláusula 8ª do convenio.

“

E unha vez fiscalizado de conformidade o informe transcrito pola Intervención municipal con data 17/03/2022 (ING16I0ET), quen subscribe, Concelleira de Cooperación no Ensino e Bibliotecas (delegada por Resolución da Alcaldía de data 25/06/2019), **PROPÓN Á XUNTA DE GOBERNO LOCAL** que acorde:

- Aprobar o informe-proposta anteriormente transcrito nos seus mesmos termos.

VOTACIÓN E ACORDO.- A Xunta de Goberno Local, por unanimidade e en votación ordinaria, aprobou a proposta transcrita.

4 .- PROPOSTA DE RATIFICACIÓN DE CESIÓN URBANÍSTICA NO LG. DE A ROCHA- SEDES.-

(...)

PRIMEIRO. Aceptar a cesión gratuíta de terreo efectuada por. Jose Manuel Leal Ferreiro, para destinalo a vial.

SEGUNDO.- Incorporar a superficie descrita ó patrimonio municipal.

VOTACIÓN E ACORDO.- A Xunta de Goberno Local, por unanimidade e en votación ordinaria, aprobou a proposta transcrita.

5 .- PROPOSTA DE RATIFICACION CESION URBANISTICA PARA VIAL NO LG. CATASOL-PEDROSO.- (...) **PRIMEIRO.** Aceptar a cesión gratuíta de terreo efectuada por D. David Grandal Graña, para destinalo a vial.

SEGUNDO.- Incorporar a superficie descrita ó patrimonio municipal.

VOTACIÓN E ACORDO.- A Xunta de Goberno Local, por unanimidade e en votación ordinaria, aprobou a proposta transcrita.

6 .- PROPOSTA DE APROBACIÓN DO PADRÓN DE CONTRIBUINTES POR AUGA, SANEAMENTO, DEPURACIÓN, CANON DE AUGA, ALUGUER DE CONTADOR E LIXO DO 1º TRIMESTRE DE 2022, E DO PADRÓN ADICIONAL DO 14 DE DECEMBRO DE 2021 AO 14 DE MARZO DE 2022.- (...)

Primeiro: Aprobar o padrón de contribuíntes por auga, saneamento baixa, saneamento alta, depuración baixa, depuración alta, canon de auga, aluguer de contador e lixo, correspondente ao **1º trimestre do ano 2022**, cos seguintes importes:

Auga	379.949,50 €
Saneamento baixa	227.576,48 €
Saneamento alta	158.185,56 €
Depuración baixa	5.702,83 €
Depuración alta	215.976,12 €
Lixo	726.860,68 €
Aluguer contador	9.325,26 €
Canon da auga	130.079,87 €
IVE	100.725,61 €
TOTAL	1.954.381,91 €

Segundo: Aprobar o padrón adicional de contribuíntes por liquidacións polos servizo de auga, saneamento baixa, saneamento alta, depuración baixa, depuración alta, canon de auga, aluguer de contador e lixo, que inclúe os recibos desde o 14 de decembro de 2021 ata o 14 de marzo de 2022, correspondentes ás altas de contribuíntes, atrasos e resolucións emitidas polo Concello de Narón. Sumando todas estas liquidacións os seguintes importes:

Auga	-606,33 €
Saneamento baixa	-357,13 €
Saneamento alta	-250,39 €
Depuración baixa	-3,37 €
Depuración alta	-345,97 €
Lixo	4.402,81 €
Aluguer contador	-9,95 €
Canon da auga	6.615,91 €
IVE	-158,42 €
TOTAL	9.287,16 €

Terceiro: Os padróns quedarán expostos ao público no Concello durante o prazo de 15 días, a contar desde o día seguinte á publicación do Edicto no BOP. O presente anuncio ten carácter de notificación colectiva ao abeiro do disposto no artigo 102 da Lei 58/2003, xeral tributaria, e no artigo 75 da Ordenanza Fiscal nº 1 xeral de xestión, recadación e inspección.

Cuarto: Durante o período de exposición pública os interesados poderán examinar os padróns e interpoñer as reclamacións ou alegacións que consideren pertinentes ante a Alcaldía.

Quinto: Finalizado o prazo de exposición pública, os interesados poderán interpoñer recurso de reposición, segundo o disposto no artigo 14.2 do Real Decreto Lexislativo 2/2004, do 5 de marzo, polo que se aproba o texto refundido da Lei Reguladora das Facendas Locais, no prazo DUN MES contado desde o día seguinte ao mesmo. Contra a resolución recaída no recurso de reposición poderán interpoñer, ante o Xulgado do Contencioso-Administrativo de Ferrol, recurso contencioso-administrativo, no PRAZO DE DOUS MESES contados desde o día seguinte ao da notificación da devandita resolución. De non recaer resolución no PRAZO DUN MES a contar desde o día seguinte ó da presentación do recurso de reposición, en virtude do disposto no artigo 14.2 do Texto Refundido da Lei das Facendas Locais, entenderase desestimado, cos efectos xurídicos establecidos nos artigos 24 e 25 da Lei 39/2015 de 1 de outubro, do Procedemento Administrativo Común das Administracións Públicas. Con todo, se se considera conveniente, poderán utilizar e exercer calquera outro recurso que estimen pertinente.

VOTACIÓN E ACORDO.- A Xunta de Goberno Local, por unanimidade e en votación ordinaria, aprobou a proposta transcrita.

7º.- ROGOS E PREGUNTAS

Non se formularon.

V. e pr.

F_FIRMA_96

F_FIRMA_4